



Inatsisartunut ilaasortaq Pele Broberg  
E-mailikkut uunga nassiunneqartoq [inatsisartut@inatsisartut.gl](mailto:inatsisartut@inatsisartut.gl)

### § 37 naapertorlugu apeqqummut 2020-009-mut akissut

21-01-2020

Asasara Pele Broberg

Sags nr. 2020 – 911/AN 2020-  
936

Inatsisartut Suleriaasianni § 37, imm. 1 naapertorlugu soraarnerussutisiaqarnissamut aaqqissuussinermut pinngitsoorani ilaanissaq pillugu Naalakkersuisunut apeqqummik nassiussaqaqarputit. Apeqqut uannit akineqartussatut innersuunneqarpoq.

Postboks 1037  
3900 Nuuk

Tlf. (+299) 34 50 00

Fax (+299) 34 63 50

E-mail: oed@nanoq.gl

[www.naalakkersuisut.gl](http://www.naalakkersuisut.gl)

#### **1. Ilumoorpa Naalakkersuisut inummut ilanngaat allannguiffigisimagaat, utoqqalinersiummut akiliisimanginneq tunngavigalugu?**

Naamik, tamanna soraarnerussutisiaqarnissamut aaqqissuussinermut pinngitsoorani ilaanissaq pillugu inatsit malillugu tunngavissaqartinneqanngilaq.

Inummut ilanngaat skattekortimi allanngortinneqaraangat tamatumunnga pissutaasarput innuttaasoq isertitanik B-nik, assersuutigalugu akiliuteqarnani biileqarnermut siumoortumik nalunaarsorneqarsimanera imaluunniit ukiunut siuliinut atatillugu akileraarutit sinnerinit akiligassanik akileeqqusinerit. Tamanna aningaasarsianit akileraarutit pillugit inatsimmi imaluunniit akileraaruserinermik ingerlatsineq pillugu inatsimmi malittarisassani inatsisitigut aalajangersarneqarpoq.

#### **2. Ilumoorpa Naalakkersuisut inuit utoqqalinersiummut akiliinikissimasut attavigisimangikkaat sapaatip akunneranik sisamanik (4) periarfissillugit akilernissaanik ?**

Naamik. Akileraartarnermut Aqutsisoqarfik 2019-imi ukiakkut soraarnerussutisiaqarnissamut aaqqissuussinermut pinngitsoorani ilaanissaq pillugu 2018-imi ukiumoortumik nalunaarummik innuttaasut eqqorneqartut nassinneqarput. Ukiumoortumik nalunaarummi innuttaasoq qinnuigineqarpoq ullormit nalunaaruteqarfiusumit sapaatit akunneri sisamat qaangiutsinnagit soraarnerussutisiaqarnissamut aaqqissuussinermut akiligassat akilerneranngitsut akileqqullugit aammalu tamanna pillugu uppersaatit Akileraartarnermut Aqutsisoqarfimmut nassiuteqqullugit. Tassunga aamma atatillugu piffissaq akiliiffiusussaqaq malinneqanngippat innuttaasup procenti akileraarutissaq Akileraartarnermut Aqutsisoqarfimmit qaffanniarneqartoq innuttaasoq ilaatigut paasitinneqarpoq.

**3. Ilumoorpa Naalakkersuisut akileraartarnermut ilanngaat utoqqalinersiummut akiliinikipallaarsimasut ukioq tamaat atuuttussanngorlugu qaffaavigigaat, akiliutikinnerat kisiaanngitsoq ?**

Innuttaasut ukiup ingerlanerani akiligassaminnik akiliisut procenti akileraarutissaq qaffaavigineqarnani ukiup ingerlanerani nutaamik skattekortitaartinniarlugit Akileraartarnermut Aqutsisoqarfik ingerlaavartumik ingerlatsissamaarpoq. Tamatuma saniatigut pisuni soraarnerussutisiassanik akilinngitsuukkat akilersimanerannut uppernarsaateqaraanni skattekortimik nutaamik pissarsiniarlutik innuttaasut Akileraartarnermut Aqutsisoqarfimmut saaffiginninnissaminnut aamma tikilluaqqusaapput.

Inussiarnersumik inuulluaqqusillunga

Med venlig hilsen

  
Vittus Qujaukiitsog